

ЮҚОРИ ИНСТАНЦИЯ ЖИНОЯТ СУДЛАРИДА АДВОКАТ ИШТИРОКИДАГИ МУАММОЛАР ВА ТАКЛИФЛАР

Рахимова Моҳинур Муродовна

*Тошкент давлат юридик университети магистратура
босқичи талабаси*

PROBLEMS AND SUGGESTIONS WITH THE PARTICIPATION OF THE ATTORNEY IN THE CRIMINAL COURTS OF THE SUPREME INSTITUTION

Rahimova Mohinur Murodovna

Master's degree of student of Tashkent State University of law

ПРОБЛЕМЫ И ПРЕДЛОЖЕНИЯ С УЧАСТИЕМ АДВОКАТА В УГОЛОВНЫХ СУДАХ ВЕРХОВНОЙ ИНСТИТУЦИИ

Рахимова Моҳинур Муродовна

Студент магистратура Ташкентского Государственного юридического университета

ЖИНОЯТ СУДЛАРИДА АДВОКАТ ИШТИРОКИ УМУМИЙ АСОСЛАРИ

Мамлакатимиз ҳаётининг барча соҳаларида амалга оширилаётган демократик ислоҳотларнинг бош мақсади – инсон, унинг хуқуқ ва эркинликларини ҳимоя қилиш кафолатларини яратишга қаратилган.

Адвокатура институтининг янада ислоҳ қилиниши фуқаролик жамияти институтларини ривожлантиришга ҳамда инсон хуқуқлари ва эркинликларининг самарали ҳимоя қилинишини ҳар томонлама таъминлашга қаратилган суд-хуқуқ тизими соҳасидаги ислоҳотларнинг бугунги кундаги энг муҳим вазифаси сифатида белгиланди.

Ҳаракатлар стратегиясининг мантиқий давоми сифатида 2022 – 2026 йилларга мўлжалланган Янги Ўзбекистоннинг Таракқиёт стратегияси қабул қилинди. Таракқиёт стратегиясининг 19-мақсади сифатида адвокатура институтининг инсон хуқуқлари, эркинликлари ва қонуний манфаатларини ҳимоя қилишдаги салоҳиятини тубдан ошириш, шунингдек, ахоли ва тадбиркорлик субъектларининг малакали хуқуқий хизматларга бўлган талабини тўлиқ қондириш белгиланган.

Шу ўринда айтиш жоизки, Ўзбекистон Республикаси Конституциясининг 2-моддасида давлат ҳалқ иродасини ифода этиб, унинг манфаатларига хизмат қилиши, давлат органлари ва мансабдор шахслар жамият ва фуқаролар олдида масъул эканлиги, 22-моддасида эса, Ўзбекистон Республикаси ўз ҳудудида ҳам, унинг ташқарисида ҳам ўз фуқароларини хуқуқий ҳимоя қилиш ва уларга ҳомийлик кўрсатишни кафолатлаши қайд этилган.

Конституциямизнинг 26-моддасида судда айбланаётган шахсга ўзини ҳимоя қилиш учун барча шароитлар таъминлаб берилиши мустаҳкамланган. Яъни, жиноят-процессуал қонунчилигига мувофиқ, шахснинг қилмиши юзасидан жиноят иши судда кўрилаётган пайтда судлар орқали давлат “ўз фуқаросининг ҳимояланиш хуқуқини судда таъминлаш мажбурияти”ни амалга оширади.

Ўзбекистон Республикаси Конституциясига кўра ҳар бир шахс малакали юридик ёрдам олиш хуқуқига эга ҳисобланади. Хусусан, жиноят процессида гумон қилинувчи, айбланувчи, судланувчи, жабрланувчи, гувоҳ, фуқаровий даъвогар ва фуқаровий жавобгар малакали юридик ёрдам олиш

хуқуқига эга шахслар ҳисобланади. Ўзбекистон Республикаси Конституцияси нафақат жиноий жавобгарликка тортилган шахсларнинг ҳимоя хуқуқига эга эканлигини белгилайди, балки ушбу хуқуқ кафолатланганлигига алоҳида эътибор қаратади. Жиноят процессида ҳимоя институти гумон қилинувчи, айбланувчи ва судланувчининг ҳимоя тарафи сифатида айни ёки жиноятни содир этишга бўлган гумонни рад этиши, жиноятга дахлсиз эканлигини илгари суриши ва жавобгарликни юмшатишга қаратилган ҳаракатларида намоён бўлади.

Гумон қилинувчи, айбланувчи ва судланувчини ҳимояланиш хуқуқи билан таъминлаш принципи Ўзбекистон Республикаси Жиноят-процессуал кодексининг 24-моддасида белгиланган. Унга кўра, гумон қилинувчи, айбланувчи ва судланувчи ҳимояланиш хуқуқига эга. Ҳимояланиш хуқуқи суриштирувчи, терговчи, прокурор, суд зиммасидаги гумон қилинувчига, айбланувчига ва судланувчига унга берилган хукуқларни тушунтириб бериш ҳамда у ўзига қўйилган айловдан ҳимояланиш учун қонунда назарда тутилган барча восита ва усуллардан фойдаланишда ҳақиқий имкониятга эга бўлишига қаратилган чора-тадбирлар кўриш мажбурияти билан таъминланади.

Ушбу норма мазмунидан келиб чиқиб айтиш мумкинки, ҳимоячи томонидан малакали юридик ёрдам олиш хуқуқига эга шахслар – гумон қилинувчи, айбланувчи ва судланувчидир. Ҳимояланиш хуқуқи уни амалга ошириш кафолатидан айро ҳолда мавжуд бўлиши мумкин эмас. Шу сабабли ҳам қонун чиқарувчи жиноят процессини юритувчи давлат органлари ва мансабдор шахслар зиммасига эълон қилинган айловдан қонуний усул ва воситалар ёрдамида ҳимояланиш имкониятини айбланувчига таъминлаб бериш мажбуриятини юклайди.

Хусусан, адвокатларнинг ӯзларининг ҳимоя остидаги шахслар билан аудио ва видеокузатув қурилмалари бўлмаган маҳсус хоналарда ҳамда бегона шахсларнинг иштирокисиз ӯз вақтида ва ҳеч қандай тўсикларсиз учрашиши; адвокат ӯз профессионал фаолиятини амалга ошириши учун, Ўзбекистон Республикаси Жиноят-процессуал кодексининг 19-моддасига қатъий риоя этган ҳолда, суд биносига компьютер, мобиЛЬ ва бошқа алоқа воситаларини монеликсиз, ёпиқ суд мажлисидан ташқари, олиб кириш хуқуқига эга эканлиги (суд биноси ичкарисида фойдаланишда суд жараёнини ўтказиш тартибини бузмаган ҳолда); адвокатларнинг малакали юридик ёрдам кўрсатиш учун зарур бўлган, давлат ва бошқа органлардан ҳамда корхона, муассаса ва ташкилотлардан маълумотномалар, тавсифномалар ва бошқа хужжатлар ёки уларнинг нусхаларини олиш учун сўровлари сўров қабул қилинган пайтдан бошлаб кўпи билан ўн беш кун муддатда бажарилиши шартлиги; адвокат сўровига кўра маълумотларни ӯз вақтида тақдим этмаслик, ёлғон ёки нотўғри маълумотларни тақдим этганликда айбор мансабдор шахслар адвокатнинг судга тўғридан-тўғри мурожаатига асосан белгиланган тартибда маъмурий жавобгарликка тортилиши шулар жумласидандир.

Таъкидлаш лозимки, ҳимояланиш хуқуқини таъминлаш жиноят-процессуал қонунчиликнинг асосий тамойилларидан бири сифатида белгиланганлиги муҳим аҳамият касб этади. Зотан, хуқуқнинг маъмурий, фуқаролик, хўжалик ва бошқа соҳаларига қараганда жиноят процессида инсоннинг хуқуқ ва қонуний манфаатларига кўпроқ таъсири ўтказилади. Чунки, жиноят судлов ишларини юритиш орқали фуқароларнинг шахсий хуқуқ ва

эркинликларини чеклаш эҳтимоли юқоридир. 2017 йил 29 марта “Фуқароларнинг хуқуқ ва эркинликларини ишончли ҳимоя қилиш кафолатларини таъминлашга доир қўшимча чора-тадбирлар қабул қилинганлиги муносабати билан Ўзбекистон Республикасининг айрим қонун хужжатларига ўзgartиш ва қўшимчалар киритиш тўғрисида”ги Қонун асосида 51-модда биринчи қисми 8 ва 9-бандлар билан тўлдирилган.

Шу вақтдан бошлаб апелляция, кассация суди томонидан кўриладиган ишларда ҳимоячининг иштирок этиши шартлиги белгиланган.

Фиркни давом эттирган ҳолда шуни таъкидлаш лозимки, адвокат жиноят ишларини судда кўриш жараёнининг шундай бир иштирокчиси ҳисобланадики, унинг иштирокисиз суд, яъни давлат ҳокимияти тўлақонли фаолият кўрсата олмайди. Бу ҳолат адвокатура институтининг алоҳида мақомини исботлайдиган қўшимча далилдир.

Ўзбекистон Республикаси Президентининг 2018 йил 12 майдаги “Адвокатура институти самарадорлигини тубдан ошириш ва адвокатларнинг мустақиллигини кенгайтириш чора-тадбирлари

тўғрисида”ги ПФ-5441-сонли Фармонининг аҳамиятини эътироф этиб, мазкур нормалар билан адвокатнинг процессуал ваколати ва мақоми янада оширилганини алоҳида таъкидлаш лозим.

Ўз навбатида суд процессида адвокат иштироки қуидагиларни таъминланишига олиб келади.

жиноят процессининг иштирокчилари процессуал хуқуқлар доирасига қўйилган айдан ҳимояланиш учун ўзини-ўзи муваффақиятли идора қилиш ва қонуний манфаатларини ҳимоя этишга имкон беради;

процессининг иштирокчилари ҳимоячи ёрдамидан фойдаланиши, баъзи ҳолларда эса ҳимоячининг иштироки зарурий бўлиб, бу ёрдамни қонун асосида бевосита олиши мумкин;

суроштирувчи, терговчи, прокурор ва суд процессуал хуқуқ ва мажбуриятларини тушунтиришга мажбур бўлиб, уларга ҳимояланиш ва манфаатларини, шахсий хуқуқ ва моддий хуқуқини идора қилиш учун шароитлар яратиб беришга имконият яратилади.

Ишларни тергов қилиш ва судда кўриб чиқиша ўйларни қўйилган ҳар бир қонун бузилиши ҳолатларига тегишли тартибда муносабат билдириш апелляция инстанцияси судларининг мажбурияти саналади. Бунда жиноят-процессуал қонун нормаларининг бузилиши жиддий ёки жиддий эмаслигини аниқлаш хукмни бекор қилиш ёки ўзгартириш масаласини ҳал этишда аҳамиятга эга бўлиб, ва аксинча, ўйл қўйилган қонун бузилишларига муносабат билдириш масаласини ҳал этишда ҳеч қандай аҳамият касб этмайди. Аппеляция инстанцияси ҳар қандай қонун бузилиши ҳолатларига – жиддий ёки жиддий эмаслигидан қатъи назар ўз муносабатини билдириши керак.

Адвокат, шунингдек, янги гувоҳларни чақириш, экспертиза ўтказиш, биринчи инстанция суди томонидан текшириб кўриш рад этилган ашёвий далиллар ва хужжатларни талаб қилиб олиш тўғрисида ҳам апелляция инстанцияси судига илтимоснома киритишга ҳақли.

Адвокатнинг иккинчи инстанция судида иштирок этишдан мақсади биринчи инстанция суди томонидан чиқарилган ҳукмнинг қонунга хилоф эканлиги, асослантирилмаганлиги ва (ёки) адолатсиз эканлигини исботлашдир.

Шундай қилиб, жиноят судларида адвокат иштироки жиноят судида иштирок этаётган адвокат ўз ҳимояси остидаги (ишонч билдирувчи) шахс хуқуқ ва манфаатларини ҳимоя қилиш учун қонунда тақиқланмаган барча усуслар ва воситаларни қўллади.